

In diébus illis: Dicébat Paulus:

²² «**S**uscitávit Deus pátribus David in regem,
cui et testimónium pérhibens dixit:
“Invéni David filium Iesse,
virum secúndum cor meum,
qui fáciat omnes voluntátes meas”.

²³ Huius Deus ex sémine secúndum promissionem
edúxit Israel salvatórem Iesum,

²⁴ prædicánte Ioánnē ante advéntum eius
baptísmum pæniténtiæ omni pópulo Israel.

²⁵ Cum impléret autem Ioánnēs cursum suum,
dicébat:

“Quid me arbitrámini esse?

Non sum ego;

sed ecce venit post me,

cuius non sum dignus calceaménta pedum sólvēre”.

²⁶ Viri fratres,
fílii géneris Abraham
et qui in vobis timent Deum,
nobis verbum salútis huius missum est».

Verbum Dómini.